

## 齿部艺文

诗

落齿

唐韩愈

去年落一牙今年落一齿俄然落六七落势殊未已  
余存皆动摇尽落应始止忆初落一时但念豁可耻  
及至落二三始忧衰即死每一将落时懔懔恒在己  
又牙妨食物颠倒怯漱水终焉舍我落意与崩山比  
今来落既熟见落空相似余存二十余次第知落矣  
傥常岁落一自足支两纪如其落并空与渐亦同指  
人言齿之落寿命理难恃我言生有涯长短俱死尔  
人言齿之豁左右惊谛视我言庄周云木雁各有喜  
语讹默固好嚼废口还美因歌遂成诗持用诧妻子

齿落辞

并  
序

白居易

开成二年予春秋六十六瘠黑衰白老状具矣而  
双齿又堕慨然感叹者久之因为齿落辞以自广  
其辞曰

嗟嗟乎双齿自吾有之尔俾尔嚼肉咀蔬衔杯漱水  
丰吾肤革滋吾骨髓从幼逮老勤亦至矣幸有辅车  
非无断腭胡然舍我一旦双落齿虽无情吾岂无情  
老与齿别齿随涕零我老日来尔去不回嗟嗟乎双  
齿孰谓而来哉孰谓而去哉齿不能言请以意宣为  
口中之物忽乎六十余年昔君之壮也血刚齿坚今  
君之老矣血衰齿寒辅车断腭日削月朘上参差而  
下虺隤曾何足以少安噫君其听哉女长辞姥臣老  
辞主发衰辞头叶枯辞树物无细大功成者去君何  
嗟嗟独不闻诸道经我身非我有也盖天地之委形  
君何嗟嗟又不闻诸佛说是身如浮云须臾变灭由  
是而言君何有焉所宜委百骸而顺万化胡为乎嗟  
嗟于一牙一齿之间吾应曰吾过矣尔之言然

齿落

明吴俨

我年六十一已落第三齿若更活数年所存知有几

刚风着唇吻利与剑戟比岂待入腹中而后疾病起  
譬若建重门一扉常自启外侮窥其间孰御而能止  
又若筑长堰隙穴不容蚁今已决寻丈不竭安肯已  
或言死与生其机不在此不见张相国齿尽乃食乳  
髻口若编贝或有短折死此虽释吾忧终焉非至理  
齿落竟何悲不落亦何喜但愿不肿痛叫号动邻里  
食物有所妨肴核宜弃置朝夕啖粥糜其味固自美  
出言有所妨对客宜少语况我之所病正在伤烦易  
忆我初落时掩口含羞耻只今落已惯与不落相似  
作诗记岁月亦漫戏云尔

齿叹

皇甫沔

齿录非余望形衰祇自伤未须论舌在詎是为唇亡  
守默浑无语欢歌渐有妨闺中罕灵药何得似张苍

齿部纪事

拾遗记庖牺龟齿

路史炎帝神农氏生三辰而能言五日而能行七朝  
而齿具

竹书纪年帝啻高辛氏生而骈齿有圣德

山海经黑齿国帝俊生黑齿按注齿如漆也圣人神  
化无方故其后世所降育多有殊类异状之人

羿与凿齿战于寿华之野羿射杀之在昆仑墟东羿  
持弓矢凿齿持盾按注凿齿亦人也齿如凿长五六  
尺因以名云

路史歡头生三苗氏苗民长齿上下相冒按注崇宁  
五年蔡京修第于河北得瓦棺十数其骸皆长丈余  
颅骨不圆而椭牙如犬牙下冒其骸时谓撩牙按述  
异记苗氏长齿上下相冒盖当时自有此一种人虞  
氏瓦棺则其时所瘞也

荀子君道篇太公行年七十有二鬮然齿坠文王举  
用之

春秋元命苞武王骈齿是谓刚强

左传僖公五年晋侯复假道于虞以伐虢宫之奇諫  
曰虢虞之表也谚所谓辅车相依唇亡齿寒者其虞  
虢之谓也

新序义勇篇宋闵公臣长万以勇力闻万与鲁战师败为鲁所获囚之宫中数月归之宋宋闵公博妇人在侧公谓万曰鲁君孰与寡人美万曰鲁君美天下诸侯唯鲁君耳宜其为君也闵公矜妇人妒因言曰尔鲁之囚虏尔何知万怒搏闵公颊齿落于口绝吭而死仇牧闻君死趋而至遇万于门携剑而叱之万臂击仇牧而杀之齿着于门闾

说苑敬慎篇常縱有疾老子往问焉曰先生疾甚矣无遗教可以语诸弟子者乎常縱张其口而示老子曰吾舌存乎老子曰然吾齿存乎老子曰亡常縱曰子知之乎老子曰夫舌之存也岂非以其柔耶齿之亡也岂非以其刚耶常縱曰嘻是已

路史老子齿六八

神仙传老君疏齿

太平清话俗传伍子胥美齿牙避楚至护牙山恐为人所识以石击毁其牙山神为震因名护牙下有子胥庙

孝经钩命决夫子骈齿

庄子盗跖篇孔子往见盗跖曰今将军身长八尺二寸面目有光唇如激丹齿如齐贝音中黄钟而名曰盗跖丘窃为将军耻不取焉

礼记檀弓高子口之执亲之丧也泣血三年未尝见齿君子以为难

左传哀公六年齐陈僖子召公子阳生十月丁卯立之将盟鲍子醉而往其臣差车鲍点曰此谁之命也陈子遂诬鲍子曰子之命也鲍子曰女忘君之为孺子牛而折其齿乎而背之也按注孺子茶也景公尝衔绳为牛使茶牵之茶顿地故折其齿

淮南子主术训豫让臣智伯智伯与赵襄子战于晋阳之下身死为戮国分为三豫让欲报赵襄子擿齿易貌

史记范雎传雎事魏中大夫须贾贾使齐雎从留数月未得报齐襄王闻雎辨口赐雎金及牛酒贾以为雎持魏阴事告齐故得此馈以告魏相魏齐魏齐大

怒使舍人笞击睢折肋折齿睢佯死得出

琴操聂政父为韩王冶剑过期不成王杀之时政未生及长入太山遇仙人学鼓琴漆身为疠吞炭为哑七年琴成入韩逢其妻从买栲对妻而笑妻泣曰君齿何以似政乃入山援石击落其齿

汉书任敖传张苍免相后口中无齿食乳年百余岁乃卒

东方朔传朔目若悬珠齿若编贝

后汉书梁冀传冀妻孙寿色美而善为妖态作齟齿笑以为媚惑按注齟齿笑者若齿痛不忻忻

谢承后汉书豫章项诵字叔和为郡主簿太守为属县所诬诵诣狱证要引自掾血出滂流齿皆堕地太守获免

晋书周访传访与诸军共征杜弼弼遣其将张彦陷豫章访率其帐下将李午等破之时访为流矢所中折其两齿形色不变

温峤传峤有齿疾拔之中风而卒

慕容皝载记皝字元真廆第三子也龙颜版齿

慕容垂载记垂字道明皝之第五子也少岐嶷有器度身長七尺四寸手垂过膝皝甚宠之常目而谓诸弟曰此儿阔达好奇终能破人家或能成人家故名霸字道业恩遇逾于世子口故口不能平之以灭宇文之功封都乡侯垂少好畋游因猎坠马折齿慕容口僭即王位改名外以慕却为名内实恶而改之寻以讖记之文乃去夬以垂为名焉

世说孙子荆年少时欲隐语王武子曰当枕石漱流误曰漱石枕流王曰流可枕石可漱乎孙曰所以枕流欲洗其耳所以漱石欲砺其齿

王子猷诣谢万林公先在坐瞻瞩甚高王曰若林公须发并全神情当复胜此不谢曰唇齿相须不可偏亡

张吴兴年八岁亏齿先达知其不常故戏之曰君口中何为开狗窦张应声答曰正使君辈从此中出入晋书谢鲲传鲲字幼舆邻家高氏女有美色鲲尝挑

之女投梭折其两齿时人为之语曰任达不已幼輿折齿鯤闻之口然长啸曰犹不废我啸歌

成恭杜皇后传后少有姿色然长犹无齿有来求婚者辄中止及帝纳采之日一夜齿尽生

博物志荆州极西南界至蜀诸民曰獠子妇人生儿既长皆拔去上齿牙各一以为身饰

云仙杂记谢灵运半日吟诗百篇顿落十二齿

宋书王元谟传孝武狎侮群臣随其状貌各有比类颜师伯缺齿号之曰齯

沙州记国人年五十以上四齿皆落由地寒多瘴气也

临海水土志夷州人俗女已嫁皆缺去前上一齿

北齐书神武本纪神武目有精光长头高颧齿白如玉

徐之才传之才好剧谈谑语以小史好嚼笔故尝执管就元文遥口曰借君齿其不逊如此历事诸帝以戏狎得宠武成生齯牙问诸医尚药典御邓宣文以实对武成怒而捩之后以问之才拜贺曰此是智牙生智牙者聪明长寿武成悦而赏之

唐书高宗则天皇后传后图革命改国号周自称圣神皇帝后虽春秋高善自涂泽虽左右不悟其衰俄而二齿生下诏改元为长寿

张果传果至东都帝亲问治道神仙事帝谓高力士曰吾闻饮董无苦者奇士也时天寒因取以饮果三进颓然曰非佳酒也乃寢顷视齿焦缩顾左右取铁如意击堕之藏带中更出药傅其断良久齿已生粲然骈洁帝益神之

云仙杂记孔戮好术艺延接方士多所传授能口中现五色牙齿彩色光绚一瞬即改

类隼温庭筠无行检过淮南口钱扬子院夜醉为逻卒击折齿

酉阳杂俎梵那衍国有金轮玉齿长三寸

西屠俗染齿令黑

读书镜宋太祖一日后苑挟弓弹雀有臣僚扣殿称

有急事请见上急出见之受所闻奏乃常事太祖曰此事何急对曰亦急于弹雀上怒以钺斧柄撞口两齿坠焉徐伏地取齿置怀中上怒曰汝将此齿去讼我也对曰臣岂敢讼陛下自有史官书之上怒解赐金帛慰劳而去

湘山野录江南李后主煜神骨秀异骈齿一目有重瞳

清异录大雪乍晴开明口深炉之会时檐际串脯正干湿得宜取以侑觞众宾用小刀削食独丘侑之左右咬嚼捷如虎兕一坐哗云丘主簿口中自有玉版刀也

整屋吏魁召士人训子弟馆于门士人素有蛀牙一日复作左腮掀肿遂张口卧意似瞢腾忽闻有声发于龈腭若切切语言人马喧哄渐次出口外痛顿止至半夜却闻蚤来之声仍云小都郎回活玉巢也似诃喝状颊上蠢蠢然直入口弹指顷齿大痛诘旦具告主人劝呼巫祝用符水土人从之痛已肿消竟不知何怪也

宋史西夏传建隆四年李继迁生于银州无定河生而有齿

墨客挥犀倪彦及朝奉尝为太原府幕官云太原人喜食枣无贵贱老少常置枣于怀袖间等闲探取食之则人之齿皆黄缘食枣故乃验嵇叔夜齿居晋而黄之说

梦溪笔谈供奉官陈允任衢州监酒务日允已老发秃齿脱有客候之称孙希龄衣服甚蓝缕赠允药一刀圭令揩齿允不甚信之暇日因取揩上齿数揩而良久归家家人见之皆笑曰何为以墨染须允惊以鉴照之上口黑如漆矣急去巾视童首之发已长数寸脱齿亦隐然有生者予见允时年七十余上口及发尽黑而下须如雪

谈苑欧公尝曰少时有僧相我耳白于面名闻天下唇不着齿无事得谤其言颇验耳白于面则众所共见唇不着齿余不敢问公不知何也

珍珠船元退处士年逾七十口食无齿咀嚼愈壮常  
曰今方知齿为妨物

香案牒郑思远每出行乘虎二虎雏负经以从横江  
桥逢许隐具暖药酒虎为拾柴燃火隐患齿痛求虎  
须热插齿间思远拔之虎帖地不动

辟寒供奉官罗承嗣住州西邻人每夜闻击物声穴  
隙视之乃知寒冻齿相击耳赠之毡坚不受

明诗小传李梦阳应诏陈言末及寿宁侯张鹤龄怙  
宠殃民系锦衣卫狱旋释之出遇鹤龄大市街乘醉  
唾骂挥鞭击之堕两齿鹤龄隐忍而止

### 齿部杂录

诗经卫风硕人篇齿如瓠犀按朱注瓠中之子方正  
洁白而比次整齐也

鲁颂閟宫篇既多受祉黄发儿齿

礼记曲礼毋刺齿按注口容止不宜以物刺于齿也  
濡肉齿决干肉不齿决

韩子扬权篇唇乎齿乎吾不为始乎齿乎唇乎愈悞  
悞乎按注唇齿可以发言语也吾不为始则彼自为  
始吾愈悞悞彼愈昭昭

淮南子原道训齿坚于舌而先之敝是故柔弱者生  
之干也坚强者死之徒也

说文齶毁齿也男八月生齿八岁而齶女七月生齿  
七岁而齶

抱朴子内篇或问坚齿之道答曰养以华池漱以浓  
液永不动次则服灵非散既脱更生

神仙传服神丹三百岁齿化为石

物理论夫齿者年也身之宝也藏之斧凿所以调谐  
五味以安性气也

字林齿不相值也齿伤酢也口啮噬也老人齿  
如臼也

迂书迂夫病齿呻吟之声达于四邻通夕不寐有  
道士过之问曰子知病之所来乎曰不知也道士曰  
病来于天天且取子之齿以食食骨之虫而子拒之  
是违天也夫天者子之所受命也若之何拒之其必

与之迂叟曰诺于是以齿与虫惛然而寐一夕而愈  
闻见后录杜祁公齿落诗有刚须饶舌在寒不为唇  
亡之句时年八十其警策尚如此

张景岳全书古有晨昏齿之说虽亦可行然而谷  
谷震动终非尽善之道余每因劳因酒亦尝觉齿有  
浮突之意则但轻轻咬实务令渐咬渐齐或一二次  
或日行二三次而根自固矣又凡欲小解时必先咬  
定牙根而后解则肾气亦赖以摄非但固精亦能坚  
齿故余年逾古稀而齿无一损亦大得此二方之力  
一金丹全书云今人漱齿每以早晨是倒置也凡一  
日饮食之毒积于齿缝当于夜晚刷洗则垢污尽去  
齿自不坏故云晨漱不如夜漱此善于养齿者今观  
智者每于饭后必漱则齿至老坚白不坏斯存养之  
功可见矣

本草纲目楚人多食酸则齿口谓其水生木水气弱  
木气盛故齿如是

#### 齿部汇考

素问

#### 上古天真论

岐伯曰女子七岁肾气盛齿更

人之初生先从肾始女子七岁肾气方盛肾主骨  
齿者骨之余故齿更

三七肾气平均故真牙生而长极

肾气者肾藏所生之气也气生于精故先天癸至  
而后肾气平肾气足故真牙生真牙者尽根牙也  
丈夫八岁肾气实齿更

三八肾气平均筋骨劲强故真牙生而长极

平足也均和也极止也至真牙生而筋骨所长以  
至于极矣

五八肾气衰齿槁

肾为生气之原男子衰于气故根气先衰而齿槁  
也

八八则齿去

数终衰极是以不惟枯槁而更脱落矣



释名

释形体

齿始也少长之别始乎此也以齿食多者长也食少者幼也

牙搥牙也随形言之也

释疾病

龋朽也虫啮之齿缺朽也

博雅

释亲

毁齿谓之口

宋杨士瀛直指方

齿主于肾

齿者骨之所终髓之所养肾实主之故经云肾衰则齿豁精盛则齿坚虚热则齿动

元李杲十书

上下龈属手足阳明

牙齿是手足阳明脉之所过上龈隶于坤土乃足阳明胃之脉所贯络也止而不动下龈嚼物动而不休手阳明大肠之脉所贯络也

危亦林得效方

齿者骨之余

齿者骨之余肾主管养呼吸之门户也

明王肯堂证治准绳

齿

统属足少阴肾经

素问曰丈夫五八肾气衰发堕齿槁又曰肾热者色黑而齿槁少阴终者面黑齿长而垢

齿分上下断

一作龈齿根肉也

上断

属足阳明胃经

素问曰邪客于足阳明之经令人鼯衄上齿寒针经曰上斗痛喜寒而恶热取足阳明之原冲阳穴在两足跗上五寸骨间动脉中注斗判也左半为

斗右半为片朱丹溪曰当灸三里穴三里足阳明经之合穴也在两膝下外侧辅骨下三指地离骨外一指许两筋间宛宛中也

下断

属手阳明大肠经

张洁古曰秦艽去下牙痛及除本经风湿针经曰下斗痛喜热而恶寒取手阳明之原合谷穴在两手大指次指岐骨间陷中朱丹溪曰当灸三间穴三间手阳明经之俞穴也在两手大指次指本节后内侧骨上缝中赤白肉际

本草纲目

牙齿释名

李时珍曰两旁曰牙当中曰齿肾主骨齿骨之余也女子七月齿生七岁齿龋三七肾气平而真牙生七七肾气衰齿槁发素男子八月齿生八岁齿韶三八肾气平而真牙生五八肾气衰齿槁发堕钱乙云小儿变蒸蜕齿如花之易苗不及三十六齿者由蒸之不及其数也

牙齿气味

甘咸热有毒

牙齿主治

陈藏器曰除劳治疰蛊毒气入药烧用李时珍曰治乳痈未溃痘疮倒靨

牙齿发明

李时珍曰近世用人牙治痘疮陷伏称为神品然一概用之贻害不浅夫齿者肾之标骨之余也痘疮则毒自肾出方长之际外为风寒秽气所冒腠理闭塞血涩不行毒不能出或变黑倒靨宜用此物以酒麝达之窜入肾经发出毒气使热令复行而疮自红活盖剂也若伏毒在心昏冒不省人事及气虚色白痒塌不能作脓热痒紫泡之证止宜解毒补虚苟误用此则郁闷声哑反成不救可不慎哉高武痘疹管见云左仲恕言变黑归肾者宜用人牙散夫既归肾矣人牙岂能复治之乎

齿堇气味

咸温无毒

齿堇主治

苏恭曰和黑虱研涂出箭头及恶刺破痈肿李时珍

曰涂蜂螫

附方

痘疮倒靨钱氏小儿方用人牙烧存性入麝香少许温酒服半钱 闻人规痘疹论云人牙散治痘疮方出风寒外袭或变黑或青紫此倒靨也宜温肌发散使热气复行而斑自出用人齿脱落者不拘多少瓦罐固济口过出火毒研末出不快而黑陷者□□血调下一钱因服凉药血涩倒陷者入麝香温酒服之其效如神 无价散用人牙□牙□牙犬牙等分火□研末蜜水调服一匙

乳痈未溃人牙齿烧研酥调贴之

肘

后方

五般疔耳出脓血水人牙烧存性麝香少许为末吹之名佛牙散

普

济方

漏疮恶疮干水生肌用人牙灰油发灰雄鸡内金灰各等分为末入麝香轻粉少许油调傅之

直

指方

阴疽不发头凹沉黯不疼无热服内补散不起必用人牙□过穿山甲炙各一分为末分作两服用当归麻黄煎酒下外以姜汁和傅之 又方川乌头硫黄人牙□过为末酒服亦妙

杨仁斋

直指方

古今医统

齿候叙论

经曰肾衰则齿豁精固则齿坚又曰齿者肾之标骨

之余也

巢元方云齿者骨之所终髓之所养手阳明之支脉入于齿若髓不足阳明脉虚不能荣于齿则齿病矣东垣曰夫齿者肾之标口者之窍诸经多有会于口者其牙齿是也手足阳明之所过上断隶于坤土乃足阳明胃之脉贯络也止而不动下断嚼物动而不休手阳明大肠之脉所贯络也手阳明恶寒饮而喜热足阳明喜寒饮而恶热其病不一牙者肾之标亦喜寒寒者坚牢为病不同热甚则齿动断摇袒脱作痛不已故所治疗不同也有恶寒冷之物而作痛者有恶热物而作痛者又有恶寒热之物而作痛者有恶寒饮少热饮多而作痛者有恶热饮少寒饮多而作痛者有牙齿动摇而作痛者有齿袒而为痛者有齿为疳所蚀缺血出而为痛者有胃风热齿断肿起为痛者有齿疳臭烂秽气不可近者此火热之甚也

诸齿病皆胃火之故

王节斋云牙口肿痛动摇或黑臭脱落世人皆作肾虚殊不知此属阳明经湿热盖齿虽属肾而生牙口上下属胃与大肠二阳明经犹木生于土也肠胃日受美酒甘肴膏粱之味致湿热上攻则牙口不清而为肿为痛或出血或生虫故齿不安而动摇臭黑脱落宜泻阳明之湿热则牙口清宁而齿自安矣

大抵齿痛皆属阳明胃火旺之故且齿者骨之精华骨乃肾之所主外板则为牙内口则为齿人若肾气强盛则齿自坚衰则齿必为病且手阳明之脉贯颊入于下齿缝中灌注于牙或风寒热郁本经既病齿则因之轻者为宣露断颊浮肿甚者则为疳龋脱之证齿牙之病在乎手足阳明二经动摇断脱是以足少阴肾经主之此三经为齿之所病也病热则生风病湿则生虫齿病不过风寒湿热虫也

齿病多为饮食厚味毒秽积塞为患

金丹大全书云今人修养倒置漱齿每以早晨是倒置也凡一日饮食之毒余积于齿缝中当于夜下洗

刷使垢秽不藏于齿缝齿自不坏矣故云晨漱不若夜漱此善于养齿者今观智者每日饭后必漱及晨晚通有五漱则齿至老坚白不坏斯存养之功可见矣

### 走马牙疳证

牙口腐烂一时脱落不救谓之走马牙疳言其速也此盖热毒蕴积既久故令一时发作如火郁于突之中久矣一发而势焰燎然莫之能御病此者十无一生惟初发之时急以疳药搽之漱之内泻阳明胃火庶可愈者

### 脉候

右手寸关脉洪数或弦而洪肠胃中有风热齿痛尺脉洪大而虚者肾虚主齿动口豁相火上炎而痛

### 治齿病泻阳明胃火为先

丹溪曰牙齿痛肿或动或血出皆是属热宜泻胃火胃气实者用调胃承气汤加黄连石膏升麻白芷防风荆芥薄荷桔梗甘草之类外用四神散加胡桐律擦之或加麝香

### 治老人肾虚齿动当以补肾固齿为本

经曰人年四十而阴气自半又云五八肾气衰发堕齿槁可见年及四旬急以补肾固齿不可少缓果能于未伤之先固济则无损坏之理易曰苟得其养无物不长苟失其养无物不消此之谓软

### 治牙痛有四法

圣惠方云热者怕冷水宜用牙硝姜黄雄黄荆芥等治之冷者怕热汤宜用干姜荜拨等治之不怕冷热乃风牙以口牙皂角僵蚕蜂房草乌治之有孔者为蛀牙宜用雄黄石灰砂糖等治之用药了皆以温水漱之

### 治齿间肉壅出

予邑宋汪丞相之宠好食厚味一日热大作齿间拥出有肉渐大胀满口不能闭水浆不入一医治之不日而愈法用生地黄汁一口牙皂角数挺火上炙热醮汁令尽为末敷壅肉上随即消缩

齿病外因者不治

齿因不知护惜或击损者或跌扑者或啮坚物而伤者或咬重物而伤者此皆外因非药之可医知者不可不慎

清胃散

和  
剂

治阳明热盛齿痛或因服热药及引脑痛皆然  
牡丹皮 升麻各一钱 当归 生地黄  
黄连各钱半

右作一服水二锺煎八分食远温服

玉池散

经  
验

治风蛀牙痛肿痒动摇牙断溃烂宣露出血断热  
臭气

当归 川芎 防风 白芷 白本 细辛  
升麻 地骨皮 槐花 甘草各等分

右咀每服五钱水二盏黑豆三十粒姜三片煎一  
盏去渣不拘时服漱口吐去咽下亦不妨

清胃饮

秘  
验

治一切风热湿痰牙痛口肿血出动摇

当归 生地黄 黄芩 石膏各一钱 白芍药  
青皮 黄连各八分 升麻五分 细辛 藿香  
荆芥穗各六分 甘草 牡丹皮各四分 苍朮  
梔子仁各一钱

右水二锺煎八分食后缓缓含呷之效

神功丸

东  
垣

治多食肉人口臭不可近牙齿疳蚀牙断肉脱血  
出

藿香叶 当归身 木香 升麻各一钱  
生地黄酒洗 甘草各三钱 黄连酒洗  
缩砂仁各五钱

右为细末汤浸蒸饼为丸如菽豆大每服一百丸  
或加至二百丸白汤食远服 此药兼治血崩血  
痢及下血不止血下褐色或紫或黑及肠澼下血  
空心服米汤下其脉洪大而缓者及治麻木血气  
上冲逆气上行妄闻妄见者皆效

#### 立效饼子

治一切风牙虫牙疼痛不可忍

良姜 草乌 川芎 萆拔 胡椒各等分

右为细末酒糊丸梧桐子大捻作饼子每用一饼  
咬在患处有涎出立愈

#### 鼻药

治诸般牙疼

雄黄一钱 乳香 没药各五分

右为细末右疼吹左鼻左疼吹右鼻治牙疼有四  
法用此并无不愈者先用吹药次用漱药次擦药  
次随证服药此为四治口施是也

#### 追毒散

治诸般牙疼

贯众 鹤虱 荆芥 细辛 蜂房各等分

右为粗末每用三钱加川椒五十粒水一钟煎七  
分乘热漱之

#### 姜黄散

治牙疼不可忍

姜黄 白芷 细辛各等分

为粗末擦患处须臾吐涎盐汤漱口面赤肿者去  
姜黄加川芎立见肿消

#### 萆拔散

治牙疼最效

萆拔 细辛 白芷 荆芥穗 升麻 郁金  
当归各等分

右为细末瓦盒贮之紧闭勿令泄气每用少许擦

痛处后以荆芥汤漱之

### 萆拔汤

治齿痛通用

萆拔 生地黄 当归尾 荆芥穗 桑白皮炒

白芷 蜂房炒 赤芍药 姜黄 细辛

□本 甘草各等分

右为粗末每用三钱井水煎漱

### 椒盐散

治牙痛用清凉药不效及甚者宜从治之以此

川椒 萆拔 薄荷 荆芥穗 细辛 潮脑

青盐各等分

右为末擦痛牙

### 齐峰花椒散

治诸牙痛

点红花椒四钱 潮脑 赤小豆 砂仁各二钱

明矾枯一钱

为末以少许塞患处咽下亦不妨齿痛惟藉花椒

麻痹

### 升麻散

经

验

治牙疼腮肿

升麻 生地黄 川芎 地骨皮 槐子 皂角

白芷 细辛各五钱 川椒二钱半

为末以少许擦牙有涎吐出用盐汤漱

### 犀角升麻汤

治阳明经风热之甚口唇颊车连牙肿痛

犀角一钱半 升麻五分 防风 羌活各六分

川芎 白芷 黄芩 白附子各五分 甘草三分

水二鍾煎八分食后漱服

### 驱毒饮

治热毒上攻宣露出血牙龈肿痛不可忍

屋游即瓦上青苔不拘多少净洗

水煎汤澄清入盐一撮频频漱之



立效方

直  
指

治牙疼不可忍痛连头脑顶背微恶寒饮大恶热  
饮

防风一钱 升麻七分 甘草炙三分  
龙胆草酒制四分 细辛叶

右水一钟煎五分去查以匙抄在口中燥痛处待  
少时立止如多恶热饮更加草龙胆一钱此法不  
定随寒热多少临时加减若恶风作痛加草豆蔻  
黄连各五分除去龙胆草累用得效

荆槐散

良  
方

治牙宣出血不止疼痛

荆芥穗 槐花各等分

为细末擦牙患处

郁金散

治牙齿出血疼痛

郁金 白芷 细辛各等分

右为细末擦牙龈疼处含少时有涎吐出

防风散

治牙齿疼痛

防风 鹤虱各三钱

右水二钟煎一钟不拘时含漱

梧桐律散

元  
戎

治足阳明经虚风热所袭流传牙齿攻蛀牙断则  
致肿结妨闷甚者与龈间津液相搏化为脓汁宜  
用此药

梧桐律 石胆矾 黄矾 芦荟 升麻各半两  
麝香 乱发各一钱 朱砂 细辛 当归  
川芎 牛膝各二钱半

右为细末先以甘草汤漱口后用药少许傅之尝  
用擦牙去风热消肿毒牢固永无牙宣疳血之病

石膏升麻散

治证同前

石膏 升麻 地骨皮 羊胫骨灰

右等分为末每用少许频擦牙齿根上

独活散

治风肿牙疼

独活 羌活 川芎 防风各半两 细辛

荆芥 薄荷 生地黄各一钱

右咀每服三钱水钟半煎七分漱口

细辛散

治风牙痛腮颊浮肿

细辛 荆芥穗各一两 白芷 草乌各二两

红花椒 鹤虱 葶拔 牙皂角 砂仁各五钱

为末用少许频擦患处有涎吐之仍用盐汤漱

如神散

治风牙虫牙攻注疼痛牙齿摇动连颊浮肿

川椒炒出汗 露蜂房炙各等分

右为细末每用二钱水煎数沸热漱即止

全蝎散

秘

方

治风牙虫牙疼痛

全蝎 川椒 防风 荆芥 细辛 独活各等分

右咀每服二钱水钟半煎一钟乘热漱一方为末

擦

川芎石膏散

治风牙痛

川芎 石膏 升麻 细辛 草乌 白芷

防风 羌活

右为末擦牙有涎吐出

赴筵散

治风虫牙痛

良姜 草乌 细辛 荆芥各等分

右为末如前擦

定痛散

治风牙立效

细辛半两 白芷 川乌各一两 乳香一钱

右为细末每用少许擦牙有涎须臾吐出以盐汤漱灌

逡巡散

治风牙肿痛亦治腮颊肿痛

良姜二寸 全蝎一枚焙干

右为细末擦牙令热须臾吐出涎以盐汤漱口

蝉退散

圣  
惠

治风虫牙痛

蝉退 蜂房 僵蚕 牛膝 草乌 荆芥

细辛 地松各等分

右咀每服二钱水一钟煎热漱牙冷则吐出

祛风定痛散

秘  
方

治一切风虫牙疼

细辛 白芷 防风 白蒺藜 川芎 香附子

石膏 沉香 甘松 三柰 没石子 薄荷叶

旱莲草 青盐各二钱 胆矾七分

右为末早晚擦患处少时出涎吐出用盐汤漱

香盐散

济  
生

牢牙去风

大香附炒极焦黑三两 青盐一两另研

右为末如常擦牙乃铁瓮先生良方

双枝散

澹

寮

牢牙去风虫齩宣露一切齿候并皆治之  
槐枝 柳枝各截四十茎切碎 食盐四两  
大皂角不蛀者七条

右件同入磁瓶内固济糠火烧一夜候冷取出为  
末如常擦牙

芫花散

选  
要

治风虫诸牙痛

芫花 细辛 川椒 蕲艾 小麦 细茶各等分  
右咀水一钟煎七分温漱口三四次吐涎出即愈

草乌头散

治风牙疼痛

草乌头米泔浸一宿去粗皮切作片炒一两

五灵脂 高良姜 白僵蚕 萆拔

细辛去苗各半两 乳香另研一钱

右为细末研匀每用一字擦牙合口少时去涎盐  
汤漱口

救苦散

治一切牙齿疼痛及风牙虫牙并治

川乌 草乌 芫花 良姜 红豆

细辛各一钱 石膏 官桂各三钱

右为细末每用少许贴牙断痛处有涎吐出

露蜂房散

治诸牙疼不可忍

川芎 白芷 当归 赤芍药 细辛 防风

□本 升麻 蜂房炒各一钱 川椒十粒

作一服水煎乘热漱冷即吐出

大戟散

治风虫诸牙疼痛经验如神

大戟三两 露蜂房炒 细辛各一两 防风半两

右咀每服五钱水一钟煎八分不拘时热漱

蟾酥膏

治风蛀诸牙疼痛

蟾酥少许 巴豆去油研如泥 杏仁烧

研如泥以绵裹如粟米大如蛀牙扎入蛀处如风  
牙扎入牙缝中吐涎即愈

香附子散

治牙齿疼痛往来不歇

香附子四两 细辛五钱

右锉每服三钱水一钟煎八分稍热漱冷即易之

七香散

治风蛀牙痛及牙宣

蔓荆子 荆芥穗 香附子炒 地骨皮 白芷

防风各一钱 草乌三枚 麝香少许研

右咀每服三钱水一大钟煎八分清热漱

羌活散

东

垣

治客寒犯脑及风寒凑袭脑痛项筋急牙齿痛动

摇肉断袒脱疼痛

□本 香白芷 桂枝各三钱 苍朮 升麻

当归身各六分 草豆蔻一钱 羌活一钱半

羊胫骨灰二钱 麻黄去根 防风各三钱

柴胡五分 细辛少许

右为细末每以少许擦牙患处有涎吐出

白芷散

治大寒犯脑牙齿疼痛

麻黄 草豆蔻各一钱半 黄 升麻各一钱

吴茱萸 白芷各四钱 当归 熟地黄各五分

□本二分 桂枝二分半 羌活八分

右为细末先用温水漱净以药擦之

丁香散

治寒牙疼

草豆蔻 白芷 细辛 草乌 丁香 蝎梢

右为末如前擦用

雄黄定痛膏

杨  
氏

治诸般风虫牙齿疼痛

盆硝另研一钱 雄黄另研一钱 大蒜一枚

细辛二钱 口牙皂四定

右为末用大蒜一处捣为膏丸如梧桐子大每用

一丸以绵裹药左边牙痛放左耳右牙痛放右耳

良久痛止取出一药可治数人

牙宣散

子  
和

良姜 细辛 胡椒 荜拨 乳香另研

麝香另研 雄黄另研 青盐各等分

右为细末先以温水漱净牙后以末药擦患处追

出涎沫吐出漱十余次痛立止忌油盐二日

砂糖丸

经  
验

治蛀牙痛

矿石灰为细末砂糖丸如黄米大塞蛀孔中

雄黄膏

治虫牙痛

雄黄二钱 乳香 没药各一钱 麝香五分

右为细末镕黄蜡和丸入一粒在蛀孔齿中

白矾丸

治牙齿被虫蚀有蛀孔疼痛牙根朽烂

白矾枯 黄丹各一钱 蝙蝠粪二十粒 巴豆一

粒微炒去皮

右同细研以口粟米饭和丸如粟米大晒干凡有

蛀孔疼痛不可忍者以一丸于痛处咬之立效

瑞竹堂方

治虫牙疼痛不已

天仙子不拘多少烧烟以竹筒抵牙引烟熏之其虫

即死

巴豆丸

治虫牙疼蚀孔空虚

巴豆一枚 花椒五十粒细研

右为极细末饭丸黍米大绵包塞蛀孔

乳香丸

治虫蛀牙疼

乳香一钱另研 巴豆三枚

右为末以黄蜡溶化丸麻子大每用一丸塞孔中

韭叶膏

经  
验

治虫牙痛

韭叶连根洗净

捣烂同人家门限下及地板上细泥和匀擦痛处

腮上外用纸贴一时取下有细虫在于泥上可以

除绝病根

韭子汤

治虫牙

韭子一撮

用口足盛之以火烧烟用小竹梗以下截破四开

纸糊密如琐呐样引烟熏蛀齿下牙蛀以韭子煎

浓汤漱虫自出

八味丸

局  
方

治肾虚牙痛

方见

虚损门

安肾丸

三  
因

治肾虚牙齿肿痛

桃仁泡去皮尖麸炒 肉苁蓉酒浸焙 干山药

破故纸炒 石斛去根 白蒺藜炒去刺 白朮

川草解 川乌泡去皮尖 巴戟去心各等分

为末炼蜜丸空心盐汤下七十丸

麝香间玉散

元

戎

滋肾固齿

酸石榴皮 诃子各二两 萆拔 青黛各钱半

何首乌 青盐 百药煎 五倍子 绿矾枯

升麻 没石子各半两 细辛 石胆矾各五钱

白茯苓一两 荷叶灰 白檀香 川芎 白芷

甘松 零陵香 沉香 茴香 口牙皂角烧灰

藿香 木口子各二钱 麝香五分

右为末用药后清茶漱

坚牙散

大

典

治牙脱落者用此药栽之如旧

熟铜末 细辛 防风各半两 当归三分

地骨皮半两

共为细末每用少许热置齿槽中将牙栽于内傅

牙上五日勿动漱勿吃硬物一月如旧

食疗方

治牙动及血并效

皂角肥者二定 食盐一两

一处口过为末擦牙一月便坚固

经验良方

滋肾固齿

旱莲草连根一斤 青盐四两为末用

七八月取鲜旱莲草一斤将青盐四两腌三宿取

出油腻锅中炒存性时时将原腌水旋加入炒干

为末每日早晨用一钱擦牙连涎咽下

坚牙散

骨碎补白水洗净铜刀切片铜锅内炒用槐枝不住

手搅少时退火令冷后又上火炒微枯黑色又住火



冷后又炒至老黑色取起研末不时擦牙不独固齿  
能补肾益精去筋骨中毒治筋骨疼治牙痛除根不  
复作痛其效如神

### 槐盐散

治食甘口过多牙痛

食盐半斤 青盐四两同上炒干

槐枝半斤銼断用水五口煎至一口去渣将水听用  
右入槐汤于盐锅中同煮干取起研末银盒盛擦  
牙固齿最效

### 西岳华峰方

固齿黑发

口牙皂角及生姜 西国升麻熟地黄  
木律旱莲槐角子 细辛荷叶要相当  
青盐等分同烧口 研细将来用最良  
揩齿牢牙髭发黑 谁知世上有仙方

### 海上方

同前

三月清明折柳花 青盐等分莫教差  
擦牙早晚工无间 华发朱颜世可夸

加味乌须固齿补肾方

秘  
验

当归全用酒洗 川芎 熟地黄 川牛膝  
枸杞子 香附子 旱莲草 胡桐律 牙皂角  
荆芥穗 细辛各三两 青盐六两

右为细末用粳米一升半煮饭将药末拌匀分作  
七团阴干用桑柴火烧存性为细末银盒盛之早  
晚擦牙药与水咽下年老牙齿不痛不动极妙

### 青白散

万  
氏

固齿治一切牙疼

青盐二两 白盐四两 川椒四两煎汁

以椒汁拌盐炒干为末擦牙永无齿疾以漱水洗

面目亦无疾此药极妙

圣济总录方

固牙齿动摇

黑铅一斤

用铁锅炒化成汁以桑条柳木棍炒成砂末候冷以绢罗为末每早晨擦牙温水漱在掌内洗眼大能明目黑发

青盐煎

秘

方

治肾不足齿动欲坠

嫩槐枝一斤 瓦松一斤 青盐一斤

右以槐枝瓦松二味切片用清水煮半桶至三四口许去渣内青盐煮干取起研末以磁瓶收置暖处每日擦牙最效

芎归散

集

成

擦牙去风生血黑发滋肾

川芎 当归 生地黄 青盐 石膏各一两  
细辛半两

为末如常擦牙

妙应散

牢牙口风理气补肾乌须发

人参 细辛 白茯苓 香附子炒焦 川芎  
白蒺藜炒去刺 砂仁 百药煎 石膏  
白芷 龙骨研 枸杞子各六钱 麝香少许

右为细末早晨擦牙温水漱之

拜受齿药

固齿极美

香附子新大者半斤去皮毛细锉以生姜一斤取汁拌和浸五七日取出去姜汁不用

细辛 盐各二两

同以瓦器炒存性为细末每日擦牙

石膏散

治牙黄口臭

石膏□ 白芷 沉香各一两 寒水石二两

升麻 □本 细辛各半两 丹砂一分研

右为细末以柳枝咬头令□蘸药擦牙

宣风牢牙散

驻颜补肾牢牙固齿

细辛 青盐各七钱 川芎 当归酒洗各一两

右为末每用少许清晨擦牙满口漱之连药咽下

先以温水漱口净然后擦药咽之

御前白牙散

石膏四两另研 香附子一两 白芷七钱半

甘松 三柰 藿香 零陵香 沈香

川芎各三钱 细辛 防风各半两

右为细末先以温水漱口次擦之妙

白牙散

东

垣

升麻四钱 羊胫骨灰一钱 白芷七分

□石膏三钱 麝香少许

右为细末先以温水漱口次擦之妙

雄鼠骨散

秘

方

治牙落重生

雄鼠骨生打活雄鼠一个剥去皮去肚内物件用盐

水浸一时炭火上炙肉自脱取骨然后炙燥入众药

内同研为末 香附子 白芷 川芎 桑叶

地骨皮 川椒 蒲公英 青盐 川槿皮

旱莲草各二钱

右为细末擦齿百日复出固齿无不效

龙齿散

长牙固齿

龙齿□存性 人齿□存性各三钱 枸杞子

人参 破故纸 牛膝 沉香各一两 旱莲草  
青盐各二两 石燕一对口 小茴香 升麻  
麝香研各半两 花椒三钱 当归七钱半  
桂枝二钱半

右为细末日擦三次良久漱之有津咽下亦不妨

### 麝矾散

治走马牙疳危恶证候

麝香少许 胆矾一钱 铜绿半两  
白矾生用一分

右为细末研匀擦牙患处

### 青金膏

治走马牙疳蚀损腐烂

青黛二钱 砒霜一钱 粉霜一钱 轻粉  
麝香各少许

右为细末少以油旋研如稀糊涂之于夹纸上重  
重研之每用量大小剪贴仍以白纸封护

### 青金散

治走马牙疳蚀损唇舌肉腐臭牙落其效如神

铜绿 砒霜各等分

为细末每用些少傅患处

### 北枣丹

治走马牙疳

北枣去核每个内入信一厘烧存性研细每以些少  
傅患处

### 三仙散

治走马牙疳一时腐烂即死

妇人溺桶中垢白者火口一钱 铜绿三分  
麝香一分

右为极细末傅齿上不可太多

取牙不犯手

本  
事

凡齿不便要取去用此

草乌 萆拔各半两 川椒 细辛各三两

右为细末每用少许点在患牙内外一时其牙自落

又方

取牙自落

白马蛆用夏月白马头一个候臭腐自蛆以大者四十九条晒干同药为末 蜈蚣一条 良姜

细辛 草乌 萆拔 胡椒各二钱

右为细末用少许贴患处内外须臾其牙自落

齿病门单方

治牙齿动摇血出不止用白蒺藜不拘多少为细末每擦牙及患处极效

道藏

经方

一方治打伤牙动用蒺藜根烧灰贴动牙即固

又方治风虫牙痛用良姜煨热咬患牙痛即止

又方治风热上攻牙齿疼痛以豨莶草霜后收之晒干为粗末每用三钱以滚汤泡任意漱之醋煎尤妙

一方治风虫牙痛以菖蒲抵牙痛处咬定或塞缝亦可

又方霜后老丝瓜烧灰存性为末擦之效

治牙痛以苍耳子不拘多少水煮浓汁热含漱之茎叶亦可或入盐亦佳

千

金方

又方治虫牙痛藜芦为末塞牙孔中勿令咽汁有涎即吐出大有神效

又方治牙齿疼痛以独蒜火煨极热切断乘热熨其痛处冷即易之亦治虫牙尤妙

又方治牙齿生虫江南墓置草叶似白杨大纤蔓采无时取三四钱浓煎汤点眼中须臾引虫出如三四分发丝长大一二分者有之置水中能动牙痛久者

虫头黑新者虫头红

又方治牙龈宣露每旦以盐末擦牙后用汤漱之愈

久后牙坚固

治风虫牙痛鹤虱以醋搗烂入盐少许漱口良久吐出又含又吐其痛即止

外台

秘要

又方治牙肿痛不可忍及口气用细辛煮浓汁含乘热漱吐之

又方治牙齿腐烂用棘针二百枚水二盞煎一盞频频含漱

又方治牙齿疼用雄黄末蜜丸如枣棘塞齿缝中

又方治虫牙用杏仁烧烟未尽研如膏绵裹塞孔中

又方治牙痛诸药不效用甘草浓煎汁含漱三五次定愈

又方治诸般牙痛用香附子生艾叶等分浓煎汤漱之治牙齿痛用鲜李根取白皮细切水煮浓汁半口漱口含之良久吐出又含痛止绝根

千金

翼方

又方用苋菜茎烧灰为末擦牙痛处效一方用茄蒂烧灰为末搽患处

又方用胡荽子浓煎汁含之

又方用槐白皮一握剉醋一升煮去查入盐少许温含之日数易之愈

广

利方

又方用口儿眼草一握捣烂汤泡去滓

又方治牙痛用黑豆一撮口白三茎艾叶一握川椒数十粒井花水一口煎七分热含漱

又方用良姜一块全蝎一个为末先以酸浆漱牙次以药末擦之流出水即愈

又方治齿痛用青蒿一握水一口煎半口温漱之痛即止

又方治食酸物多而齿口者用胡桃肉细嚼解之

治齿痛吴茱萸煎酒含之愈

丹

## 溪方

固齿极妙每日擦牙用香附子炒熟大黄煨各一两以椽斗子二十个内取十八个装满食盐于砂器内单摆开瓦盖烧存性与生椽斗二个并香附子大黄同为末每日擦牙掠髭鬣

又方用仙灵不拘多少为粗末煎汤漱

### 针灸法

上齿痛取足阳明经下齿痛取手阳明经 经云大肠手阳明之脉入下齿中是动则病齿痛颈肿视盛虚寒热陷下取之又云足阳明脉入上齿针灸齿痛阳谷取之

足内踝二尖治上牙痛灸之

足三里二穴在足阳明经膝下三寸骨外大筋内

陷中灸四十九壮治上齿痛者灸之愈

手三间二穴在手大指次指本节后内侧陷中手阳明大肠经穴灸七壮治下齿痛者灸之愈

列缺二穴一名童元在手太阴肺经与阳明经相连叉手取穴中手尽处看其浮脉手叉之间灸七壮痛立止永不再发

合谷二穴治齿齩痛灸之

内庭治齿下痛针灸皆可

阳谷治上牙

大渊治风牙

肩二穴取法见中风门灸七壮随左右灸之

耳垂下尽骨上穴灸三壮痛即止如神

一法治一切牙痛以草量手中指至掌后横纹止将折作四分去二分将一分于横纹后量臂中灸三壮随左右痛灸之

### 导引法

一法常向本命日栉发之始叩齿九通阴口曰大帝散灵五老反真泥丸元华保精长存左回拘月右引日根六合清练百疾愈因咽唾三过常教行之使齿不痛脑不痛发不白

一法向东坐不息四通上下琢齿三十六治齿痛

一法凡人觉脊背皆崛强不问时节缩咽髀仰面努髀并向上头左右两向按之左右二七一住待血行气动定然始更用初缓后急不得先急后缓若无病人常欲得旦起午时日没三辰用之三七遍除寒热疾脊腰头项痛风痹口内生疮牙齿风头眩终尽除也

### 治案

张子和治泽州李结之忽犯牙痛皱眉不语一客见之曰何不乐也曰牙痛客曰予曾闻戴人云阳明经邪热有余也宜大下之乃付舟车丸七十粒服毕为友留饮药为盐酒所发吐之吐毕而痛止患者大服曰戴人神仙也不三日复痛再服前药百丸下数行遂愈不复作

丹溪治一妇人年三十余病齿痛不可忍口吸凉风则暂止闭口则复痛此阳明湿热为患也用黄连胡桐泪苦寒薄荷荆芥辛凉四味治湿热为主升麻苦平行阳明经为使牙齿骨之余以羊骨补之为佐麝香少许为引用共为细末擦之痛减半又以调胃承气去硝加黄连治其本下二三行而止遂不复作